



ԳՆԱՀԱՏՄԱՆ ԵՎ ԹԵՍՏԱՎՈՐՄԱՆ ԿԵՆՏՐՈՆ

ՈՒՍՈՒՑՉԻ ԱՌԱՐԿԱՅԱԿԱՆ ԳԻՏԵԼԻՔԻ ՍՏՈՒԳՈՒՄ

2022

ԱՇԽԱՐՀԱԳՐՈՒԹՅՈՒՆ

ԹԵՍՏ 2

ԽՄԲԻ ՀԱՄԱՐԸ

ՆՍՏԱՐԱՆԻ ՀԱՄԱՐԸ

Հարգելի՛ ուսուցիչ

Խորհուրդ ենք տալիս առաջադրանքները կատարել ըստ հերթականության:
Ուշադիր կարդացե՛ք յուրաքանչյուր առաջադրանք: Եթե չի հաջողվում որևէ առաջադրանքի
անմիջապես պատասխանել, ժամանակը խնայելու նպատակով կարող եք դրան անդրադառնալ
ավելի ուշ:

Թեստ-գրքույկի էջերի դատարկ մասերը կարող եք օգտագործել սևագրության համար:

1

Ի՞նչ տվյալներ չի փոխանցում GPS (գլոբալ տեղորոշման համակարգ)-ը:

- 1) ձգողական ուժը
- 2) աշխարհագրական երկայնությունը
- 3) աշխարհագրական լայնությունը
- 4) բացարձակ բարձրությունը

2

Միջազգային տնտեսական հարաբերությունների վերաբերյալ պնդումներից ո՞րն է սխալ:

- 1) Պետություններին վարկեր և փոխառություններ տրամադրում են հիմնականում ֆինանսական միջազգային կազմակերպությունները՝ Արժույթի միջազգային հիմնադրամը, Վերակառուցման և զարգացման միջազգային բանկը, Վերակառուցման և զարգացման եվրոպական բանկը:
- 2) Որևէ երկրի տնտեսական ներգրավվածությունը չափվում է արտահանման մասնաբաժնով:
- 3) Ներկայումս միջազգային տնտեսական հարաբերություններում հիմնականը Հյուսիսից Հարավ ուղղությունն է, որտեղ առաջատարը Հարավն է:
- 4) Համաշխարհային առևտուրը համակարգվում է Առևտրի համաշխարհային կազմակերպության կողմից, որին անդամակցում է նաև ՀՀ-ն:

3

Երկրաբանական ո՞ր դարաշրջանում է ձևավորվել Գոնդվանա մայրցամաքը:

- 1) Կայնոզոյան
- 2) Արխեյան
- 3) Պալեոզոյան
- 4) Մեզոզոյան

4

Ինչու՞ աշնանային գիշերահավասարից զարնանային գիշերահավասար և զարնանանայինից աշնանային գիշերահավասար օրերի քանակը հավասար չեն բաշխված:

- 1) Երկրի առանցքի թեքությունը պտտման ուղեծրի հարթության նկատմամբ $66,5^\circ$ է:
- 2) Արեգակի շուրջ Երկիրը պտտվում է էլիպսաձև ուղեծրով:
- 3) Տարվա տևողությունը 365 օր 6 ժամ է:
- 4) Արեգակը պտտվում է Ծիր կաթին համաստեղության կենտրոնի շուրջը:

5

0-ական միջօրեականով Հյուսիսային բևեռից դեպի հասարակած շարժման ուղղությունը ի՞նչ ազիմուտ ունի:

- 1) 180°
- 2) 0°
- 3) 360°
- 4) 90°

6

Ստորև թվարկված գուգակցություններից՝ «կլիմայական գոտի — բնական զոնա հողային տիպ» ռ՞ն է համապատասխան:

- 1) մերձարկտիկական — արկտիկական անապատներ — գորշ անապատային
- 2) հասարակածային — սավաննա — դարչնագույն
- 3) մերձարևադարձային — կոշտատերև անտառներ — դարչնագույն
- 4) բարեխառն — տափաստան — ճմապողզուլային

7

Ընտրել այն երկիրը, որը բնութագրվում է մթնոլորտային ճնշման տարեկան ամենափոքր տատանումով:

- 1) Ինդոնեզիա
- 2) Արգենտինա
- 3) Բրազիլիա
- 4) Հնդկաստան

8

Ո՞ր հնագույն պլատֆորմի վրա են գտնվում ամենաշատ քանակով պետություններ:

- 1) Հյուսիսամերիկյան
- 2) Հարավամերիկյան
- 3) Արևելաեվրոպական
- 4) Աֆրիկական

9

Ընտրել ճիշտ պնդումը:

Ստորև թվարկված պնդումներից ռ՞ն է պարունակում տեղեկություն կլիմայի մասին:

- 1) Շաբաթվա վերջում Շիրակի մարզում օդի ջերմաստիճանը կիջնի 0-ից ցածր:
- 2) Երեկ Երևանում ամբողջ օրը ամպամած էր, երեկոյան խիտ մառախուղ էր:
- 3) Ամռանը Սինգապուրում մուսսոններն իրենց հետ բերում են մեծ քանակությամբ տեղումներ:
- 4) Սև ծովի ափին օդի ջերմաստիճանի փոփոխությունը վաղը կուղեկցվի տեղումներով և քամու ուղղության փոփոխությամբ:

10

Ընտրել ճիշտ պատասխանը:

Օդի ջերմաստիճանի և մթնոլորտային տեղումների տարեկան ընթացքից որոշել ՀՀ կլիմայական գոտին:

Ամիսներ	I	II	III	IV	V	VI	VII	VIII	IX	X	XI	XII	տարի
ջերմաստիճան(C°)	1,7	3,6	8,1	14,1	18,7	22,8	26,3	25,8	21,4	15,3	9,3	4,1	14,3
Տեղումներ (մմ)	14,2	16,6	30,4	41,1	51,3	28,1	10,5	7,6	11,5	23,3	23,3	13,4	271,4

- 1) ցուրտ լեռնային
- 2) չոր մերձարևադարձային
- 3) բարեխառն լեռնային
- 4) չոր խիստ ցամաքային

11

Ո՞ր երկրին է համապատասխանում հետևյալ բնորոշումը:

Դաշնային հանրապետություն է, որը համարվում է միակ զարգացած պետությունն այդ մայրցամաքում: Շատ հարուստ է հանքային ռեսուրսներով, բայց չունի նավթի, գազի և բոքսիտների պաշարներ: Այն բազմազգ է: Անասնապահության մեջ աչքի է ընկնում բրդատու այծերի և կարակուլի բուծումը:

- 1) ԿԴՀ
- 2) ՀԱՀ
- 3) ԱՄՆ
- 4) ԱՄԷ

12

Ո՞ր երկրին է համապատասխանում հետևյալ բնորոշումը:

Այս երկիրը բացարձակ բարձրության տատանման համաշխարհային ռեկորդակիր է: Այստեղ է գտնվում աշխարհի ամենաբարձրադիր լեռնաշխարհը:

- 1) Մեքսիկա
- 2) Հնդկաստան
- 3) Բոլիվիա
- 4) Չինաստան

13

Ո՞ր լեզվաընտանիքին պատկանող լեզուներով են ամենաշատը խոսում աշխարհում:

- 1) չին - տիբեթական
- 2) հնդեվրոպական
- 3) նիգեր - կորդոֆանյան
- 4) սեմաքամյան

14

Այս տեսության կենտրոնում մարդն է, բնակչությունը: Ըստ այս տեսության՝ բնությունը և՛ սահմաններ է դնում, և՛ հնարավորություններ է ստեղծում իր յուրացման համար: Բնության վրա մարդու ներգործության եղանակները կախված են տվյալ ժողովուրդների ավանդույթներից և ապրելակերպից: Ո՞վ է այս տեսության հեղինակը:

- 1) Ֆրիդրիխ Ռասսել
- 2) Հելֆորդ Մաքինդեր
- 3) Կարլ Հաուսհոֆեր
- 4) Վիդալ դը Լա Բլաշը

15

Ո՞ր շարքում օրինաչափության սխալ կա:

- 1) թեյ, սուրճ, կակաո
- 2) սոյա, կտավատ, արմավենի,
- 3) ցորեն, վարսակ, մանիոկ
- 4) ջուր, բամբակ, սիսալ

16

Բնական ռեսուրս — առաջատար երկիր գույգերից ընտրել ճիշտը:

- 1) բոքսիտ — Չիլի
- 2) նավթ — ԿԺԴՀ
- 3) ածուխ — ԱՄՆ
- 4) պղինձ — Նեպալ

17

Նշվածներից ո՞րը գիտատեխնիկական հեղափոխության բաղադրիչ չէ.

- 1) քվանտային տեխնիկայի զարգացում
- 2) մենեջերների պատրաստում
- 3) տրանսպորտի ինտենսիվացում
- 4) տարածքային համակենտրոնացում

18

Ի՞նչ է նշանակում «Քիմիական արտադրության արտահանում»:

- 1) Քիմիական արդյունաբերության տեղաբաշխումը բազմաբնույթ է և կախված է մի շարք գործոններից:
- 2) Քիմիական արդյունաբերությունը սինթեզում է նյութեր, որոնք բնության մեջ չեն հանդիպում:
- 3) Քիմիական աղտոտող ձեռնարկությունները տեղաբաշխվում են զարգացող երկրներում:
- 4) Նավթագազաքիմիայի արտադրանքը արտահանվում է զարգացած երկրներ:

19

Բնական ռեսուրսների գիտականորեն հիմնավորված տնտեսական գնահատումը հաշվի չի առնում.

- 1) Գիտական հետազոտությունների տարածքային ուժեղ համակենտրոնացումը
- 2) Տեղակայման և շահագործման պայմանները
- 3) Տարածքի յուրացվածությունը և բնակեցվածությունը
- 4) Շրջակա բնական միջավայրը պահպանելու հնարավորությունը

20

Նշվածներից ո՞րը գյուղատնտեսության սոցիալ — տնտեսական տիպ չէ.

- 1) կապիտալիստական — ձեռնարկատիրական
- 2) պետական — կոոպերատիվ
- 3) համայնքային — տոհմացեղային
- 4) երկրագործական — անասնապահական

21

Նշվածներից ո՞րն է կիրառում գենային ճարտարագիտությունը.

- 1) գյուղմթերքի ստացումը մեկ միավոր հողահանդակների հաշվով
- 2) աճի հորմոնների օգտագործումը
- 3) մեկ շնչի հաշվով գյուղմթերքի օգտագործումը
- 4) երկրի ինքնաապահովվածությունը պարենամթերքով

22

Թվարկված «Էրա — դարաշրջան — գլխավոր իրադարձություն» եռյակներից որո՞ւմ կա *անհամապատասխանություն*.

- 1) կրիպտոզոյան — պրոտերոզոյան — փափկամարմին օրգանիզմների առաջացում
- 2) ֆաներոզոյան — կայնոզոյան — մերկասերմ բույսերի առաջացում
- 3) կրիպտոզոյան — արխեյան — միաբջիջ բակտերիաների առաջացում
- 4) ֆաներոզոյան — պալեոզոյան — ծովային անողնաշարավորների զարգացում

23

«Լեռնագրական միավոր — վտակ — գետ — գետային ավազան» շարքերից ո՞րն է ճիշտ:

- 1) Ծաղկանց լեռներ — Արևմտյան Եփրատ — Եփրատ — Պարսից ծոց
- 2) Արևելապոնտական լեռներ — Օլթի — Ճորոխ — Սև ծով
- 3) Հաքյարի լեռներ — Ախուրյան — Արաքս — Կասպից ծով
- 4) Հայկական Տավրոս — Արևելյան Տիգրիս — Տիգրիս — Սև ծով

24

«Լիճ — ծագում — աղիություն — տեղադիրք» համապատասխան շարքերից ո՞ր տարբերակում կա սխալ:

- 1) Աթաբասկա — սացաղաշտային — քաղցրահամ — Հյուսիսային Ամերիկա
- 2) Չաղ — մնացորդային — աղի — Աֆրիկա
- 3) Վեներն — տեկտոնական — քաղցրահամ — Եվրոպա
- 4) Կուրիլսկոյե — իստոնարանային — քաղցրահամ — Ասիա

25

Հետևյալ «պետություն-մայրաքաղաք» շարքերից ո՞րն է ճիշտ.

- | | |
|------------------|------------------------|
| 1. Սուրինամ | ա. Ուագադուգու |
| 2. Բուրկինա Ֆասո | բ. Տեգուսիգալպա |
| 3. Բրունեյ | գ. Ֆունաֆուտի |
| 4. Հոնդուրաս | դ. Բանդար Սերի Բեգավան |
| 5. Տուվալու | ե. Պարամարիբո |
| 6. Լիխտենշտեյն | զ. Վադուց |

- 1) 2-դ, 5-գ, 4-գ, 2-բ, 3-ա, 6-ե
- 2) 1-բ, 5-գ, 6-ա, 3-դ, 4-բ, 2-ե
- 3) 2-գ, 3-ա, 1-ե, 4-դ, 5-բ, 6-գ
- 4) 1-ե, 5-գ, 6-գ, 4-բ, 2-ա, 3-դ

26

Ո՞ր բնական զոնան է Հյուսիսային Ամերիկայում տարածվում գրեթե միջօրեականի ուղղությամբ.

- 1) արևադարձային խոնավ անտառներ ու սավաննաներ
- 2) տունդրա
- 3) մշտականաչ կոշտատերև անտառներ և թփուտներ
- 4) սառցային

27

Արդյո՞ք հնարավոր է, որ միևնույն գետի Ա տեղամասում գետի ջրի ծախսը լինի $3\text{մ}^3/\text{վ}$, իսկ կենդանի կտրվածքի մակերեսը՝ 3մ^2 , իսկ Բ տեղամասում՝ համապատասխանաբար $3\text{մ}^3/\text{վ}$ և $1,5\text{մ}^2$:

- 1) այո, միայն տափաստանային գոտու գետերի համար
- 2) միանշանակ այո
- 3) այո, միայն անտառային գոտու գետերի համար
- 4) միանշանակ ոչ

28

Ստորև թվարկվածներից ո՞րը չ/ի մտնում Կայուն զարգացման հնարավոր ներդաշնակեցման մեջ:

- 1) մշակութային խնդիրներ
- 2) տնտեսական խնդիրներ
- 3) սոցիալական խնդիրներ
- 4) էկոլոգիական խնդիրներ

29

Ջրի ո՞ր հատկանիշն առավելապես մեծ ազդեցություն ունի կլիմայի ձևավորման վրա.

- 1) ջրի ակուստիկ հատկությունը
- 2) ջրի շարժունակությունը
- 3) ջրի ինքնամաքրման հատկությունը
- 4) ջրի մեծ ջերմունակությունը

30

Աշխարհագրական թաղանթի գոտիականության ձևավորման վրա ազդող հիմնական գործոններից է.

- 1) երկրաբանական կառուցվածքը
- 2) վերընթաց գոտիականությունը
- 3) երկրի գնդաձևությունը
- 4) հողաբուսական ծածկը

31

Կորիոլիսի ուժը օդի ինչպիսի՞ տեղաշարժի վրա առավելապես մեծ ազդեցություն ունի.

- 1) տոռնադոներ
- 2) պասսատներ
- 3) վերընթաց հոսանքներ
- 4) վարընթաց հոսանքներ

Ընտրել ճիշտ պնդումները:

- 1) Հյուսիսային Ամերիկայի գետային ցանցի խտությունը և գետերի հոսքի ուղղությունը պայմանավորված է բնական զոնաների տարածվածությամբ:
- 2) Եվրասիայի տարածքում ցածր լեռները ձևավորվել են ժամանակակից գեոսիկնիկնալային գոտում:
- 3) Սառցե ցունամիները իրենց գեղեցկությամբ հատկապես աչքի են ընկնում գարնանը և ձմռանը:
- 4) Ամռանը Կենտրոնական Ասիայի կլիմայի չորությունը պայմանավորված է մուսսոններով:
- 5) Աֆրիկայի սավանաներում ամբողջ տարին տաք է ու խոնավ, գերիշխում է բարձր խոտային բուսականությունը:
- 6) Մայրցամաքների և օվկիանոսների աշխարհագրությունը ցույց է տալիս միայն մայրցամաքի դիրքը հասարակածի և սկզբնական միջօրեականի նկատմամբ:
- 7) Բոլոր ծովերում խորության մեծացմանը զուգընթաց ջրի ջերմաստիճանն իջնում է:
- 8) Կամերուն հրաբխի վերջին ժայթքումը տեղի է ունեցել 2002թ-ին:
- 9) Կարմիր ծովի մոտ է գտնվում Ասսալի իջվածքը -165մ բարձրությամբ:

Ընտրել սխալ պնդումները.

- 1) ՀՀ փայտամշակման ճյուղի տեխնոլոգիական շղթայում լրիվ բացակայում են փայտաքիմիական և թղթի-ցելյուլոզի արտադրությունը:
- 2) ՀՀ-ն էլեկտրաէներգիա արտահանող և համատարած էլեկտրաֆիկացված երկիր է:
- 3) ՀՀ ՀՆԱ-ի կառուցվածքում կեսից ավելին պատկանում է սպասարկման ոլորտին:
- 4) ՀՀ արդյունաբերական արտադրանքի ծավալով առաջատար են Արագածոտնի և Գեղարքունիքի մարզերը:
- 5) ՀՀ-ում սև մետաղաձուլությունը զարգացած չէ:
- 6) ՀՀ-ում ամբողջական ավարտուն ցիկլ ունեն պղնձի, ոսկու, այլումինի և մոլիբդենի արտադրությունները:
- 7) ՀՀ մեքենաշինությունն ունի ցրված տեղաբաշխում:
- 8) ՀՀ քիմիական արդյունաբերության ոչ հեռանկարային ենթաճյուղ է փոքր քիմիան:
- 9) ՀՀ արդյունաբերության նորագույն և հեռանկարային ճյուղերից է լազերային տեխնիկայի արտադրությունը:

Ընտրել ճիշտ պնդումները.

- 1) Մեքենաշինությունը, ի տարբերություն արդյունաբերության մյուս ճյուղերի, ունի կետային տեղաբաշխում:
- 2) Ունիտար պետություններում վարչատարածքային բաժանման միավորները ունեն սեփական սահմանադրությունը:
- 3) Աշխարհագրական դիրքը պետության վրա շատ լուրջ ազդեցություն ունեցող գործոն է:
- 4) Սպառողական տնտեսավարման ժամանակ աշխատանքի արդյունքը նախատեսված է արտադրողի համար, ինչպես նաև արտահանվում է շուկա:
- 5) Աշխարհի երկրների տնտեսությունների օրգանական միասնությունը, ամփոփված տնտեսական հարաբերություններով, կոչվում է համաշխարհային տնտեսություն:
- 6) Զարգացող երկրներում կրթությունը մատչելի է բնակչության բոլոր խավերին:
- 7) Հյուսիսային ծովում իր նշանակությամբ աչքի է ընկնում Քիլի ջրանցքը:
- 8) Ավտոմոբիլային տրանսպորտը ներկայումս արագ զարգացող ճյուղ է:
- 9) Կոտ դ'Իվուարը, Գանան, Սենեգալը տալիս են համեմունքների համաշխարհային բերքի 2/3-ը:

Ընտրել ՀՀ-ի վերաբերյալ ճիշտ պնդումները.

- 1) Սևանա լճի արևելյան ափին՝ միջօրեականի ուղղությամբ ձգվում է Գեղամա լեռնավահանը:
- 2) ՀՀ տարածքում ոսկին «արմատային» հանքերում հանդես է գալիս սև մետաղների հետ:
- 3) Հրաբխային ապարաշերտերում լայն տարածում ունեն օքսիդիանոս ու պեռլիտը:
- 4) Փոքր Կովկասի հյուսիսային ծալքաբեկորավոր լեռնաշղթաների մարզին է պատկանում Ուրծի լեռնաշղթան:
- 5) Հայաստանի և Թուրքիայի պետական սահմանի ուղղությամբ ձգվում են Գուգարաց լեռները:
- 6) Արարատյան դաշտի երկրաբանական հիմքը ծածկված է երիտասարդ լճագետային նստվածքներով:
- 7) Նստվածքային ծագման ապարներից հատկապես աչքի է ընկնում պեռլիտի պաշարներով:
- 8) Փոքր Կովկասի Հյուսիսային լեռնաշղթաների արտաքին շարը կազմում են Արեգունու, Արևելյան Սևանի և Մռավի լեռնաշղթաները:
- 9) Զուգահեռականի ուղղությամբ՝ Ամուլսարից մինչև Արաքսի հովիտը ձգվում է Զանգեզուրի լեռնաշղթան:

36

Ընտրել ճիշտ պնդումները.

- 1) Ռուրուրբանիզացիայի դեպքում փոխվում է գյուղական բնակչության բնույթը, որը բերում է քաղաքի և գյուղի միջև տարբերության ավելի խորացմանը:
- 2) Կեղծ ուրբանիզացումը չի ուղեկցվում տնտեսության համարժեք զարգացմամբ:
- 3) Խոշոր քաղաքներում և քաղաքային ագլոմերացիաներում առկա չեն բոլոր պայմանները զարգացած քաղաքային միջավայրի ձևավորման համար:
- 4) Որբանիզացումը տնտեսապես զարգացած երկրներում ընթանում է շատ արագ:
- 5) Հայաստանը ուրբանիզացման համեմատաբար բարձր մակարդակ ունեցող երկրներից է:
- 6) Ագլոմերացիաները կարող են ձևավորվել ծովափնյա, լճափնյա, գետափնյա տարածքներում:
- 7) Գերմանիայի խոշորագույն քաղաքային ագլոմերացիան Բեռլինն է:
- 8) Սուրբուրբանիզացիայի գործընթացի մեջ ներառված են միայն մերձակա արվարձանները:
- 9) Երևանյան քաղաքային ագլոմերացիան բնորոշվում է բնակչության և կառուցապատման խտությամբ և սոցիալ-տնտեսական կապերի ոչ մեծ ինտենսիվությամբ:

37

Ստորև նշված երկրներից որո՞նք չեն մտնում ԵՄ կազմի մեջ:

- 1) Իսլանդիա
- 2) Նորվեգիա
- 3) Շվեդիա
- 4) Ֆինլանդիա
- 5) Լատվիա
- 6) Լիտվա
- 7) Էստոնիա

38

2007 թ.-ի տվյալներով ատոմային էլեկտրակայանների բլոկների քանակով ո՞ր երկրները չեն մտնում առաջին տասնյակի մեջ:

- 1) Բրազիլիա
- 2) Կանադա
- 3) Ռուսաստան
- 4) Իրան
- 5) Շվեդիա
- 6) Հայաստան
- 7) Ուկրաինա

39

Աշխարհում հայտնի գիտական կենտրոններից որո՞նք են գտնվում ԱՄՆ-ում:

- 1) Յեյլ
- 2) Քեմբրիջ
- 3) Ստենֆորդ
- 4) Օքսֆորդ
- 5) Հարվարդ
- 6) Սորբոն
- 7) Փրինստոն

40

Ստորև թվարկված ջրանցքներից ու նեղուցներից ո՞ր նեղուցներն ունեն սահմանափակ տարածաշրջանային նշանակություն:

- 1) Բերինգի
- 2) Քիլի
- 3) Կորնթոսի
- 4) Սուեզի
- 5) Պանամայի
- 6) Հորմուզի
- 7) Մալակկայի

41

Ստորև թվարկված պնդումներից որո՞նք չեն վերաբերում բուսատեխնոլոգիաներին:

- 1) բուսատեխնոլոգիաները չեն պահանջում զգալի տարածքներ, կայանների կառուցման համար
- 2) ունեն ցածր արժեք
- 3) փակ ջրաշրջանառության համակարգի ներդրումը
- 4) էլեկտրաէներգիա չի օգտագործում
- 5) մինչև ջրային օբյեկտ բացթողումը մաքրված ջուրն անհրաժեշտ չէ քլորացնել
- 6) հոսքաջրերին ավելացնում են հակագոդոլ նյութեր
- 7) սպասարկող անձնակազմի անհրաժեշտություն չկա

42

Ստորև նշված հակամարտություններից որո՞նք են միջպետական:

- 1) Լեզգիստան
- 2) Ֆոլկլենդյան կղզիներ
- 3) Հարավային Օսեթիա
- 4) Կուրիլյան կղզիներ
- 5) Շոտլանդիա
- 6) Քաշմիրի նահանգ
- 7) Բասկերի երկիր

43

Ի՞նչ նիշի վրա կգտնվի ջրասուզակը Մեռյալ ծովում, եթե սուզվել է 18մ:

44

Ինքնաթիռը օդ բարձրացավ 45 աստիճան արևելյան երկայնության Ա քաղաքից, գոտիական ժամանակով, ժամը 6:30-ին և վայրէջք կատարեց Բ քաղաքում, գոտիական ժամանակով, ժամը 6:30-ին՝ թռչելով 1 ժամ: Ժամային ո՞ր գոտում է գտնվում Բ քաղաքը:

45

Ի՞նչ երկարություն կունենա հարթ տեղանքում տեղադրված 10 մ բարձրությամբ շենքի ստվերը հունիսի 22-ի կեսօրին, հյուսիսային 68,5 աստիճան աշխարհագրական լայնությունում:

46 Որքա՞ն կլինի նույն ճանապարհով հետ վերադարձի ազիմուտը, երբ մեկնման ազիմուտը կազմել է 217°:

47 Թարմ ձյան 1 սմ խորանարդը պարունակում է 0,1 գրամ ջուր: Որքա՞ն կլինի ձյան շերտի բարձրությունը (սմ-երով), եթե տեղումները կազմել են 15 մմ:

48 Որքա՞ն կկազմի այսբերգի ծավալը, երբ ջրի մակերևույթին ունի 100 մ խորանարդ ծավալ:

49 Որոշել կայծակի հեռավորությունը, եթե կայծակի լուսավորումից հետո որոտը լսվեց 6 վայրկյան հետո (ձայնի արագությունը օդում 350 մ/վ է):

50 Վանա լճում ընկած է քաղցարահամ ջրով (+4 °C) ամբողջությամբ լցված 1 լիտրանոց շիշ: Շիշ քանի՞ տոկոսը ծածկված կլինի ջրով: Պատասխանը կլորացնել ամբողջ թվի ճշտությամբ:

51 Հաշվել գետի երկարությունը, եթե ակունքի բարձրությունը՝ 3500 մ, գետաբերանում՝ 900 մ, գետի միջին թեքությունը՝ 20 մ/կմ:

52 Քարտեզի մասշտաբն է 1 : 5 000 000: Հաշվել ՌԴ տարածքի (17,4 մլն կմ²) ընդգրկվածությունը տվյալ քարտեզում (սմ²):

53 Կանադայի բնակչության թիվը 34900000 է, բնական աճի ցուցանիշը՝ 0,9 % : Որքան կլինի բնակչության թիվը 3 տարի անց, եթե բնական աճի ցուցանիշը նույնությամբ պահպանվի: Միգրացիայի մնացորդը համարել 0: Պատասխանը մոտարկել ամբողջ թվի ճշտությամբ:

54 Որքա՞ն է պետության ռեսուրսապահովվածությունը 1 շնչի հաշվով, եթե երկաթաքարի տարեկան արդյունահանումը կազմում է 20 մլն. տ., բնակչությունը 32 մլն մարդ է, իսկ արդյունահանման այս տեմպերը պահպանելու դեպքում երկաթաքարի պաշարները կբավարարեն 80 տարի:

55 Երկրի բնակչության թիվը 24 մլն. էր, իսկ բնական աճը 25%օ: 1 տարի հետո բնակչության թիվը դարձավ 26,5 մլն.: Հաշվել միգրացիայի սալդոն (մնացորդը):

56 Քանի՞ աստիճան կկազմի Արեգակի ճառագայթների անկման անկյունը սեպտեմբերի 23-ին Մարյասոո հրվանդանի վրա:

57 Հաշվել 230 տոննա նավթից ստացվող էլեկտրաէներգիայի քանակը:

58 Մարզում կարտոֆիլի միջին բերքատվությունը 350 ց/հա, ընդհանուր բերքը կազմել է 770 000 տոննա: Որոշել կարտոֆիլի ցանքատարածությունների մակերեսը (հա):

59 Որոշել մթնոլորտային ճնշումը լեռան գագաթին, եթե լեռը գտնվում է ծովի ափին, 45° աշխարհագրական լայնության վրա, լեռան ստորոտին օդի ջերմաստիճանը 0° է, իսկ գագաթին՝ -18°C (հաշվարկը կատարել 6° -ով):

60 Արշավախումբը Հյուսիսային բևեռային շրջագծից շարժվեց հյուսիս և կանգ առավ այնտեղ որտեղ բևեռային ցերեկների տևողությունը 50 օր է: Որոշել արշավախմբի գտնվելու աշխարհագրական լայնությունը: Պատասխանը կլորացնել աստիճանի ճշտությամբ:
